

## 8. gr.

Framantalin gjöld samkvæmt 2. og 6. grein eru miðuð við byggingavísitölu 229 stig 1. október 1985 og breytast einu sinni á ári til samræmis við byggingavísitöluna eins og hún er 1. október ár hvert.

## 9. gr.

Brot gegn reglugerð þessari varðar sektum allt að kr. 10 000,00, sem renna í sveitarsjóð. Mál út af brotum á reglugerð þessari skal fara með að hætti opinberra mála.

Reglugerð þessi, sem samin er og samþykkt af hreppsnefnd Höfðahrepps, staðfestist hér með samkvæmt vatnalögum, nr. 15 20. júní 1923, til að öðlast gildi þegar í stað. Fellur jafnframt úr gildi reglugerð um holræsi og holræsagjöld í Höfðahreppi nr. 12 11. janúar 1974, með áorðnum breytingum með reglugerð nr. 205 19. maí 1978.

*Félagsmálaráðuneytið, 4. apríl 1986.*

F. h. r.

**Húnbogi Þorsteinsson.**

*Pórhildur Líndal.*

## REGLUGERÐ

### fyrir Vatnsveitu Vopnafjarðahrepps.

## 1. gr.

Vatnsveita Vopnafjarðahrepps er eign Vopnafjarðahrepps. Heimili hennar og varnarþing er á Vopnafirði.

## 2. gr.

Hreppsnefnd Vopnafjarðahrepps fer með yfirstjórn vatnsveitunnar og ber ábyrgð á skuldbindingum hennar. Hreppsnefnd og sveitarstjóri annast daglegan rekstur hennar og framkvæmdir, en heimilt er að ráða sérstakan vatnsveitustjóra eða umsjónarmann, til að sjá um eftirlit eða framkvæmdir við vatnsveituna, ef þess gerist þörf.

## 3. gr.

Reikningsár vatnsveitunnar er almanaksárið, en skrifstofa hreppsins annast allt reikningshald. Reikningarnir skulu endurskoðaðir á sama hátt og reikningar sveitarsjóðs og fylgja þeim ár hvert.

## 4. gr.

Vopnafjarðarhreppur hefur einkarétt til reksturs vatnsveitu og sölu vatns á því svæði, sem vatnsveitan nær yfir og hún getur fullnægt.

## 5. gr.

Hreppsnefnd lætur leggja vatnsæðar svo víða um kaupúnið, sem þörf krefur og fært þykir, svo húseigendur eigi aðgang að þeim við veg, götu eða opin svæði, sem hús þeirra liggja að.

## 6. gr.

Allar vatnsæðar frá dreifikerfi vatnsveitunnar, að húsi og í því, eru eign húseiganda og ber hann kostnað af lagningu þeirra og viðhaldi. Vatnsveitan getur ákveðið, að heimæðar eða hluti þeirra, séu lagðar af starfsmönnum vatnsveitunnar, en á kostnað húseiganda.

## 7. gr.

Hver sá, er óskar að fá vatnsæð tengda húsi sínu, gera endurbætur eða breytingar á eldri lögnum, skal sækja um það til hreppsnefndar og gera grein fyrir áætlaðri vatnspörf og til hvers vatnið skuli notað. Vatnsveitan sér um tengingu frá vatnsveituæð, gegn sérstöku tengigjaldi.

Allar lagnir skulu lagðar undir eftirliti starfsmanna vatnsveitunnar og ber húseiganda að fara í einu og öllu eftir fyrirmælum þeirra, að því er snertir efni og frágang.

## 8. gr.

Hverjum húseiganda og notanda er skylt að halda vatnsæðum sínum vel við og láta tafarlaust gera við þær, ef leki kemur að þeim. Skal þess sérstaklega gætt, að ekki frjósi í leiðslunum. Ef eldri vatnsæðar liggja svo grunnt í jörðu, að hætta sé á, að í þeim frjósi, ber húseiganda að láta bæta úr því á þann hátt, sem starfsmenn vatnsveitunnar telja fullnægjandi.

Enginn má eyða vatni að óþörfu.

Ekki má tengja dælur eða aflvélar í samband við vatnsveituna, né tengja saman æðar vatnsveitunnar og önnur veitukerfi, t. d. sjóveitu, nema með sérstöku leyfi hreppsnefndar.

## 9. gr.

Starfsmönnum vatnsveitunnar er heimilt að fara um hús manna og lóðir, þar sem vatnsæðar liggja, til þess að athuga þær og tæki, sem sett eru í samband við vatnsveituna. Ef þeim þykir í einhverju ábótavant hvað umbúnað snertir, skal húseiganda skylt að bæta úr því tafarlaust. Ella getur vatnsveitan látið vinna verkið á kostnað eiganda.

## 10. gr.

Hreppsnefnd getur látið loka vatnsæðum fyrir þeim, sem vanrækja að láta gera við bilanir á vatnsæðum eða tækjum sem við þær eru tengd, eyða vatni að óþörfu eða greiða ekki vatnsskatt á réttum gjalddaga. Vatnsskatt ber að greiða að fullu, þótt lokað sé fyrir vatnið af þessum orsökum.

## 11. gr.

Vatnsveita Vopnafjarðarhrepps hefur rétt til að takmarka vatnsnotkun, ef skortur er á vatni, eða loka fyrir vatnið vegna hreinsunar, eða framkvæmda við vatnsveituna. Ef eldsvoða ber að höndum hafa slökkvilið, lögregla og starfsmenn vatnsveitunnar heimild til að gera hverjar þær ráðstafanir, sem nauðsynlegar teljast, hvort sem er á vatnsæðum vatnsveitunnar eða í einkaeign. Óheimilt er öðrum en slökkviliði, lögreglu og starfsmönnum að taka vatn úr brunahönum vatnsveitunnar, nema með sérstöku leyfi.

## 12. gr.

Vatnsveitan ber ekki fjárhagslega ábyrgð á tjóni, sem leiða kann af reksturstruflunum er verða vegna vinnu við æðar vatnsveitunnar, takmörkun á vatnsnotkun eða af öðrum ástæðum.

## 13. gr.

Til þess að standa straum af kostnaði við vatnsveituna skal árlega greiða vatnsskatt af öllum húsum, sem standa við vegi eða opin svæði og vatn er lagt í. Vatnsskattinn skal miða við fasteignamatsvirðingu og ákveður hreppsnefndin vatnsskattinn.

## 14. gr.

Hreppsnefndin getur ákveðið að setja upp vatnsmæla hjá þeim fyrirtækjum og einstaklingum, sem nota mikið vatn, t. d. frystihús, vinnslustöðvar, iðjuver o. fl. og selja vatn eftir mælingu, eða ákveða, að allt vatn skuli selt eftir mælingu. Skal þá vatnsveitan sjá um uppsetningu mælanna en stofnkostnað og viðhald þeirra ber húseiganda að greiða. Ef mælingu verður eigi komið við, má ákveða sérstakt gjald fyrir hverja framleiðslu- eða vinnslueiningu.

## 15. gr.

Vatnsskattur má vera allt að þrjú promille, -þrír af þúsundi-, af fasteignamatsverði húsa og lóða. Lágmarksgjald af hverri íbúð skal vera kr. 2 800,00. Af þvottaplönnum greiðist kr. 25 000,00.

## 16. gr.

Ef vatn er selt samkvæmt mæli, skal greiða allt að kr. 6,00 fyrir hvern rúmmetra. Gjald dagar skv. þessari grein skulu vera fjórir: 31. mars, 30. júní, 30. september og 31. desember.

## 17. gr.

Fyrir vatn í skip í höfninni greiðist kr. 43,00 fyrir hvern rúmmetra og auk þess afgreiðslugjald kr. 500,00 að degi og kr. 1 000,00 að nóttu. Gjaldið greiðist við móttöku.

## 18. gr.

Fyrir önnur vatnsafnot en þau, sem að framan eru talin og mælingu verður eigi komið við, skal greiða gjald, sem hreppsnefnd ákveður.

## 19. gr.

Í stofngjald (tengigjald) skal greiða kr. 15,00 fyrir hvern rúmmeter húsa að 2 000 rúmmetrum en síðan kr. 2,50 fyrir hvern rúmmeter eftir það.

## 20. gr.

Gjöld samkvæmt reglugerð þessari önnur en vatnsskattur miðist við byggingarvísitölu pr. 1/10 1985, 229 stig og breytist með henni.

## 21. gr.

Gjald dagar vatnsskatts eru 15. janúar og 15. júní ár hvert, nema annað sé sérstaklega tekið fram.

## 22. gr.

Öll gjöld skv. reglugerð þessari, má taka lögtaki og eru þau tryggð með lögveði í viðkomandi eign næstu tvö ár eftir gjalddaga og ganga þau fyrir hvers konar samnings- og aðfaraveðum.

## 23. gr.

Brot á reglugerð þessari varðar sektum nema þyngri refsing liggji við að lögum. Ef einhver veldur skemmdum á vatnsveitunni, skal hann bæta það skv. mati óvilhallra manna.

Mál út af brotum á reglugerð þessari, skal fara fram að hætti opinberra mála.

Reglugerð þessi, sem hreppsnefnd Vopnafjarðarhrepps hefur samið og samþykkt, staðfestist hér með skv. vatnalögum nr. 15 20. júní 1923 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Jafnframt fellur úr gildi reglugerð fyrir Vatnsveitu Vopnafjarðarhrepps nr. 137 14. mars 1978.

*Félagsmálaráðuneytið, 9. apríl 1986.*

F. h. r.

**Húnbogi Þorsteinsson.**

*Þórhildur Línadal.*

## GJALDSKRÁ

vegna eftirlits á vegum Geislavarna ríkisins  
fyrir árið 1986.

1. gr.

Eftirlitsgjöld fyrir árið 1986, sem Geislavarnir ríkisins innheimta og falla í gjalddaga 15. apríl 1986 með eindaga 15. júní 1986, verða sem hér segir:

1. <b>Röntgenskoðunartæki</b>	Kr.
a. Föst tæki — myndataka .....	4 090,00
b. Föst tæki — skygging .....	5 450,00
c. Aukalampar .....	1 230,00
d. Færanleg tæki — myndataka .....	3 370,00
e. Færanleg tæki — skygging .....	4 090,00
f. Tannröntgentæki .....	3 370,00
g. Iðnaðarröntgentæki .....	3 370,00
2. <b>Geislalækningatæki</b> .....	9 110,00
3. <b>Geislavirk efni, fyrir hvern þann stað, sem slík efni eru notuð</b>	3 370,00
4. <b>Önnur geislataeki</b>	
a) Nifteindataeki .....	12 000,00
b) Önnur tæki, sem ekki falla undir lið 1—3 .....	3 370,00
5. <b>Eftirlit með geislaskömmtum starfsfólks.</b>	
a) Filmumælingar, fyrir hvern starfsmann .....	820,00
b) TLD-mælingar, fyrir hvern starfsmann .....	1 640,00

2. gr.

Eftirlitsgjöld eru tryggð með lögveðsrétti í eftirlitsskyldum tækjum í 2 ár eftir gjalddaga.

3. gr.

Gjaldskrá þessi er sett með stoð í lögum nr. 117/1985 um geislavarnir.

*Heilbrigðis- og tryggingamálaráðuneytið, 12. apríl 1986.*

**Ragnhildur Helgadóttir.**

*Ingimar Sigurðsson.*